



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Divi Bambergenses S. Henricvs Imperator S. Kvnegvndis
Imperatrix S. Otho Episcopvs**

Gretser, Jacob

Ingolstadii, 1611

X. Qualem vitam in Monasteriuo duxerit S. Kvnegvndis.

urn:nbn:de:hbz:466:1-41527

nore, præcis, imposito sibi ab Episcopis velo, annulo fidei subarrata, gratulabunda succinuit; *Posuit signum in faciem meam & annulo suo subarravit me Dominus meus Iesus Christus.*

CAPVT DECIMVM.

*Qualem vitam in Monasterio duxerit
S. Kunegundis.*

Ta Christo sponso ipsa sponsa consecrata, dum filiarum suarum se sanctissimo contubernio applicuisset, non vt mater filiabus se præferbat, sed in omnibus seruitiis seruillem se personam ostēdebat: ita tamen, vt. cum omnia faceret, ostentationem fugeret singulorū, ne in præsentī seculo reciperet mercedem suam. Operabatur manibus suis. (Nulli enim in distinguendis auro gemmisque vestibus plurimum aut in stolis, aut in cingulis æstimabatur inferior) sciens scriptum esse: *Qui non operatur, non manducet.* Sponso aut orans loquebatur aut psallens. Ad Ecclesiæ limina * pænè tardioribus omnibus appropinquabat. Nihil seueritate illius iucundius: nihil iucunditate seuerius. Tristis in ritu: in tristitia suavis. Breue vitæ spacium æterna memoria compensabat. Idem illi locus Orationis & quietis fuit: idem semper habitus: incultum corpus: dum sciret reiiciendas delicias corporis, quod paulò post vermibus exarandum sit: semper eam legere, aut legentem audire videres. Multa illi circa contubernales deuotio: frequens decubantium visitatio: sollicita pauperum consolatio. Præterea, plura eam miracula fecisse credimus: sed quòd * gratiam hominum, & oleum adulationis semper fugeret, esse suppressa: quod tamen incuriæ scriptorum, seu reuolutioni temporum, non defectui deputandum est virtutum. Pauca tamen, quæ in scriptis reperimus, aut veridica sanctorum, vbi illa Christo militabat, relatione cognouimus, hîc inserere dignum duximus.

2. Thess. 2.

* Surius & A. pogr. Bamb. Pænè inuisa properabat.

* gloriam humanam.

CAPVT